

NO. SOALAN: 14

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : TUAN SIVARASA A/L K. RASIAH

TARIKH : 28 NOVEMBER 2017

RUJUKAN : 10376

SOALAN:

Tuan Sivarasa A/L K. Rasiah [Subang] minta MENTERI DALAM NEGERI menyatakan jumlah pendatang asing tanpa izin (PATI) yang telah diusir dari Malaysia dan apakah langkah Kerajaan bagi mengisi kekosongan tenaga kerja yang sebelum ini dibuat oleh pekerja asing.

15

JAWAPAN:

Tuan Yang DiPertua,

Jabatan Imigresen Malaysia (JIM) telah mengusir seramai 198,256 orang PATI dari tahun 2015 sehingga 30 September 2017. Kementerian Sumber Manusia melalui Jabatan Tenaga Kerja (JTK) telah menyediakan medium pendaftaran pencari kerja melalui portal *JobsMalaysia*. Melalui perkhidmatan ini, permohonan pencari kerja akan dipadankan dengan kekosongan jawatan yang didaftarkan oleh syarikat-syarikat mengikut kesesuaian dan kelayakan akademik mereka. JTK juga menjalankan aktiviti Lawatan Keperluan Gunatenaga ke semua sektor industri bagi mengesan kekosongan jawatan yang wujud dan seterusnya menyalurkan maklumat ini kepada pencari kerja. Melalui perkhidmatan atas talian *JobsMalaysia*, pencari-pencari kerja akan dipadankan dengan kekosongan jawatan yang didaftarkan oleh majikan. Kemudahan ini juga boleh didapati di 54 buah Pejabat Tenaga Kerja (PTK) di Semenanjung, 14 buah pejabat PTK Sabah dan 16 buah PTK Sarawak serta di 21 *JobsMalaysia Centre (JMC)*. Bagi meningkatkan lagi keberkesanan Portal ini, Kerajaan telah menetapkan syarat iaitu mana-mana majikan yang bercadang untuk mengambil pekerja asing diwajibkan mengiklankan kekosongan jawatan dalam Portal *JobsMalaysia* untuk diisi oleh pekerja tempatan terlebih dahulu.